

大寶積經卷第七十八

皇八

姚秦三藏法師鳩摩羅什譯

富樓那會第十七之二

具善根品第四

爾時佛告富樓那菩薩發於大乘常

皇八

當修習親近四法則能具攝一切善法亦能具足一切善根何等四富樓那善男子善女人發大乘心修習親近行忍辱法如是修行忍辱法時如心平等故則得平等波羅蜜亦得一切衆生平等波羅蜜是菩薩成就心平等波羅蜜智平等波羅蜜若行若立若坐若臥若覺若睡時有人來若持屎餅若持毒餅若持沸湯餅若諸糞掃若持火炭若持屎尿若持熱灰追其頭上若追其身菩薩於此不應嗔恨令心散亂而生忿恚不應自言我有

何罪又不應以惡心視彼但應一心求自利法於所修事專心不捨應當如是調伏其心是人爲以何因緣故持此屎餅毒餅灰火來加我身我身不以此物因緣而得痛惱菩薩是時應如是觀衆因緣法誰與此物此物與誰以何物與是人如是如實思惟不見有法誰是與者誰是受者何者是法如是正念思惟觀時此彼不可得故一切諸法皆不可得皆不可見是菩薩不得不見一切法故不生嗔恨富樓那若菩薩如是思惟猶有嗔恨心起復應如是正念思惟何觸因緣使我身痛是諸觸者爲觸何處爲在於身爲在於心若在身者身如草木瓦石影像無覺無知非我非彼若在心者心無形色念念生滅須臾不住非我非彼但以虛妄憶想分別說言是苦

是樂不苦不樂我今不應生此虛妄憶想分別我今應觀平等實相我當修習賢聖所作不應隨逐凡夫所作何等爲是賢聖所作謂於諸法遠離解脫我爲遠離故學不爲和合故學如是虛妄憶想分別是皆和合爲誰和

卷八

二

合爲是貪欲和合爲是嗔恚愚癡和合云何名爲貪欲嗔恚愚癡和合以身癡故身見癡故貪身見故身受苦時嗔恚他人是名嗔恚和合有以身見癡故貪身見故不隨意故嗔恚他人是名愚癡和合若人如是三毒所縛或起如是罪業因緣諸佛不救何況餘人我應善觀諸因緣法觀於空法菩薩如是隨順正觀諸因緣法不見有法誰與誰受以何物與爾時菩薩當作是念一切諸法從衆緣生自性本空定不可得我當云何於無所得虛

妄法中得法作業而生嗔恚起行因緣我今應生無嗔恨心修行無作無起無生之法當觀空法不隨我心我今應觀不作不起無生之法不應依止起作之法我應如實思惟諸法我今不應於此虛妄無所有中而強作法

虛妄強作謂是嗔恨所以者何依止法體則有嗔恨諸法實相畢竟空中無法本體可依止者菩薩如是思惟諸法其心寂然嗔恨不起又是菩薩若行若立若坐若卧若覺若睡時有人來以好美香末香塗香以好名華散其身上若以上妙香華瓔珞瓈蘭華鬘婆梨師華鬘衆華瓔珞以覆其身若以上妙細軟衣服謂加尸衣若拘攝衣若拘珍婆衣若憍施耶衣若芻摩衣若劫貝衣若細欽婆羅若細繒衣以如是等柔軟細衣以覆其身若以

三之一

上妙繒蓋幢幡張施其上若以諸天名華香  
妙衣珍寶瓔珞以覆其身若以天上甘美飲  
食而以進上菩薩於此種種供養不應生愛  
令心貪著不以此緣親附其人隨順其意往  
來問訊不應偏心而起愛著菩薩於此應以皇六  
等心通達一切諸法平等應作是念我於衆  
生不應嗔恨不應愛念所以者何憎愛二事  
俱是煩惱我今於此不應生愛應善通了諸  
法如實所以者何諸煩惱中愛緣所合此最  
爲重如是煩惱深徹骨髓謂於能生結使法  
中愛心染著所以者何所貪著事若不隨意  
則生嗔恨人皆自欲貪愛其身有侵惱者則  
生嗔恨是故當知嗔恚則是染愛果報貪著  
則是愚癡果報我今當離染愛惡心於諸法  
中無所貪著我等不爲貪欲故學不爲嗔恚

故學不爲愚癡故學我當廣學諸法真實於  
諸法相如實觀之隨所說中當如實行但應  
依止業報因緣於諸供養苦惱事中當知皆  
是宿業行緣是故於諸隨順法中不生喜愛  
違逆法中不生嗔恨但應清淨其心無所忿  
三之二  
恚不令隨愛隨嗔隨癡惡法得生於心富樓  
那菩薩成就此初法者能得具足一切功德  
爾時世尊欲明了此義而說偈言  
四之一

我常讚智慧 亦讚持戒者 稱揚行忍辱  
亦常讚多聞 我讚行善法 慈心愛語者  
爲饒益衆生 隨宜讚衆德 我常訶五欲  
嗔恨愚癡人 嫉妬慢謗曲 濁亂燒衆生  
懈怠嬾惰心 慢戾難與語 背恩無反復  
小事發大恚 貪求於利養 我當得利養  
不欲令人得 是等我不讚 小智於利養

自欲嫉彼得  
於他家生苦  
爲求得利養  
轉易威儀行  
離我法甚遠  
不修行道者  
是等惡道緣  
貪愛心則多  
貪愛心多故  
無一事可讚  
不斷惡我見  
菩薩作是念  
疾得成佛道  
而知諸法空  
是法興於心  
妄想生三界  
則無如是過  
常觀諸法空  
慢所傷害  
若人從東來  
以遮其頭上  
於他家生苦  
轉易威儀行  
有此諸過咎  
勤求於利養  
摧伏剛強心  
忍辱愍衆生  
何緣有諸法  
不念則皆空  
相續身不絕  
我當行慈心  
從緣無所屬  
妄想生嗔恚  
不分別妄想  
知皆從緣生  
離戒苦衆生  
多有所饒益  
執持屎毒餅  
誰與誰受者  
是等我不讚  
此命非清淨  
知是宿業緣  
安住佛道中  
此必是業緣  
常起善惡業  
若還以惡報  
而加於彼人  
度脫衆生類  
瓔珞供養我  
不應生愛心  
當習平等觀  
憎愛則非道  
誰與誰受者  
空無與無受  
一切皆無我  
空無有煩惱  
空無有清淨  
離垢淨是空  
空中無分別  
空中無諸性  
空常空無相

何法名爲我  
觀以勤精進  
何罪而見加  
但發堅強思  
知是宿業緣  
今受此果報  
安住佛道中  
餘人無有此  
雖久而不失  
衆生在世間  
當知是業緣  
我今受此苦  
後復受苦果  
當求無上法  
一切諸苦惱  
若人以香華  
不應生愛心  
當習平等觀  
寧可以惡事  
當求無上法  
當正觀諸法  
內空外亦空  
空無有貪離  
亦無有清淨  
離垢淨是空  
空中無分別  
空中無諸性  
空常空無相

是比清淨道  
於中不生恚  
隨業自受果  
今受此惡報  
無空畢竟空

若使有人來 段段解我身  
知從業緣有 衆生起善惡  
我必先世惡 今受此苦報  
觀身如影像 水沫幻化焰  
若人支解身 有人將養我

家心順出家趣向出家不貪五欲得出家已  
離諸憒鬧遠處山林不失善法菩薩成就此  
第二法則能具足一切功德爾時世尊以偈  
頌曰

當念報恩者 不以爲歡喜 利養不以喜  
惡罵不嗔恨 二皆是障礙 非佛正真道  
當離諸一切 貪愛嗔恚心 常當修空寂  
悉斷諸障礙 忍辱十力本 諸佛神通原  
無礙智大悲 皆以忍爲本 四諦念正勤  
根力覺道分 皆以忍爲本 何智不修忍  
我於波羅奈 轉無上法輪 亦以忍爲本  
諸佛常讚忍 汝等亦應修 空忍無生滅  
諸法相常爾 乃得佛功德 復次富樓那菩薩摩訶薩能離五欲常樂出

心常樂出家 而能常出家 常樂在山林  
增益功德處 親近在空閑 即離五欲著  
此中無衆鬧 失諸善法緣 無有諸語言  
往來問訊事 空閑寂然快 諸佛所稱讚  
是故諸菩薩 所應常親近 勿貪樂聚落  
近生利養心 若得利養喜 失則生憂惱  
此人供養佛 不名爲供養 欲除如是過  
當離諸利養 遠離在空閑 修習於空法  
復次富樓那菩薩常學求法求已讀誦謂求  
淨戒頭陀細法不求多欲無厭足法求滅貪  
欲不益貪欲求破嗔恚不增嗔恚求斷愚癡

復次富樓那菩薩摩訶薩能離五欲常樂出

不益愚癡求破懨慢不求起慢求破我慢不求長慢求斷我所法不求增我所法求無我法不求依止我人衆生壽命法常求能得大智慧法不求退失大智慧法常求爲得無等慧法不爲求得小慧法求得具足一切諸法不求不具足諸功德法求如是法求已讀誦思惟正觀如所說行爲人演說不求世利乃至不求稱讚善哉教多衆生令住是法富樓那菩薩成就此第三法能得具足一切功德爾時世尊以偈頌曰

菩薩樂出家 持戒行頭陀 以是增智慧智雨益衆流 得是深淨法 正念思其義於如所說中 能如所聞行 常以清淨心爲人廣解說 燥益諸衆生 心無所希望得諸功德味 自住是法中 亦令餘人住

是故增佛法 若於無量劫 所集諸功德令皆現在前 攝入菩薩道 故應求深法佛所稱讚者 常爲衆生說 功德從是生富樓那菩薩摩訶薩安住持戒頭陀法中能具一切善根福德富樓那過去久遠無量無邊不可思議阿僧祇劫爾時有佛號彌樓捷駄如來應供正徧知明行足善逝世間解無上士調御丈夫天人師佛世尊佛壽六千歲一會說法八十億比丘得阿羅漢道富樓那彌樓捷駄佛滅後法住五百歲般涅槃後七日之中諸大弟子皆亦隨佛入於涅槃富樓那是佛出於五濁惡世如我今也諸大弟子滅度之後多有衆生皆作是念沙門法中安隱快樂我等何不各共出家作是念已咸剃鬚髮法服出家出家之後惟行三事一常周

旋往來白衣舍二惟貪著利養自活三長肌肥無有福慧行是三事不修餘業百歲之後諸大弟子皆悉滅盡是等比丘多與白衣和合佛諸深經持戒頭陀細行妙法多皆廢捨不復讀誦富樓那當爾之時諸比丘衆樂行五欲貪嗜飲食爾時國王惟有一子名陀摩戶利王甚愛重時於靜處而作是念彌樓捷駄佛爲得何法今諸弟子皆共放逸與諸白衣所行無異作是思惟疑時有天神來至其所隱身不現而作是言王子彌樓捷駄佛所得深法清淨決定爾時王子聞天所說即作是言彌樓捷駄佛所得深法清淨決定其事云何答言王子是法無色無受想行識無陰界入無有五欲亦無欲心彌樓捷駄佛得是深法清淨決定爲衆生說爾時王子復問天

言我等可得聞是法不可得解知如說行不天言王子汝能一心勤行精進得之不難富樓那爾時王子即作是念今是天神開悟我意我當出家求是深法即詣父母頭面作禮白父母言我今欲於彌樓捷駄佛法中出家

爲道父母報言汝今何用捨我出家今諸道人於佛法中白衣無異爾時父母以偈答曰今諸比丘衆 放逸受五欲 耕種行販賣白衣無有異 貧窮多苦惱 不能自活者如是諸人等 求活故出家 汝今生王家富樂受五欲 多諸珍寶物 何用出家爲陀摩戶利王子以偈答父母言我不求榮位 若得當捨離 我今惟欲求佛法深淨戒 有天開悟我 勸進我出家佛所說深法 我冀當得知 我聞天所說

心中大歡喜 佛法今欲滅 我當助護持  
父母以偈答陀摩戶利言  
深經已滅盡 無有持誦者 汝今當何從  
得聞佛深法 若於四衆中 有誦深義者  
汝先從彼受 然後可出家

陀摩戶利以偈答父母言

我今勤精進 淨戒行頭陀 遠處山林中  
求佛深淨法

富樓那陀摩戶利說此偈已頭面作禮辭行  
出家父母默然不能制止即詣比丘剃除鬚

髮著袈裟受戒以恭敬心問諸比丘彌樓捷  
馱佛云何說法教諸弟子我得聞已當如說  
修行富樓那諸比丘語陀摩戶利比丘言我  
等不聞佛所說法但隨和尚諸師所行汝今  
亦應行如是法爾時陀摩戶利比丘答諸比  
我等所爲者 是事皆已得 衣食極豐足  
免離王使役 安隱甚快樂 無敢輕慢者  
白衣時苦惱 今皆無復有 是即名涅槃  
第一快安樂 過是事以外 我皆不復用  
我等多衣鉢 湯藥物甚多 白衣常給施  
檀越家亦多

富樓那爾時陀摩戶利比丘聞諸比丘說此  
皇六  
偈已心則悲惱涕零啼泣詣餘精舍復以是  
事問諸比丘彌樓捷馱佛云何說法教諸弟子  
我得聞已當如說行諸比丘衆亦如是答  
爾時陀摩戶利比丘即便捨離此諸比丘獨

入山林幽遠之處精誠一心欲求深法先時  
彌樓捷駄佛諸弟子中有大弟子名爲堅牢  
修空閑行獨住深山少欲知足心樂遠離所  
作已辦六通三明大阿羅漢亦如我今摩訶  
迦葉是堅牢比丘所住深山石窟壁上書此

偈言

生死不斷絕 貪欲嗜味故 養怨入丘塚  
唐受諸辛苦 身臭如死屍 九孔流不淨  
如廁蟲樂糞 愚貪身無異 憶想妄分別  
則是五欲本 智者不分別 五欲則斷滅  
邪念生貪著 貪著生煩惱 正念無貪著  
餘煩惱亦盡  
富樓那堅牢比丘石窟壁上書此四偈陀摩  
戶利比丘經歷深山見此石窟壁上四偈見  
已讀誦思惟其義未久之間得五神通至彌

樓捷駄佛本所燒處到已作禮圍繞三匝結  
跏趺坐發誓願言我不見佛不聞餘法不起  
於此富樓那彌樓捷駄佛所說經名八百千  
門釋提桓因誦持是經釋提桓因知陀摩戶  
利比丘深心愛法從忉利天上来下至其所  
爲說八百千門經又與四多聞本句七種重

句十四門句陀摩戶利比丘聞已誦持於諸  
法中得智慧明彌樓捷駄佛所說清淨應空  
應離諸深妙經自然在心又彌樓捷駄佛爲  
現其身及比丘衆并所住處精舍牀榻大會  
四衆天龍夜叉捷闍婆阿修羅迦樓羅緊那  
羅摩睺羅伽人非人等一切衆會悉令得見  
陀摩戶利比丘於諸法中得智慧眼從坐處  
起漸漸遊行還至本國到父母所爲說清淨  
應空應離諸深妙經稱揚讚佛法衆功德富

樓那爾時陀摩戶利比丘父母宮人大臣官屬聞是法已信心恭敬語陀摩戶利比丘言惟願大德濟度我等得於彌樓捷駛佛法中出家富樓那爾時八萬四千人俱隨逐國王及王夫人一時出家出家之後皆號陀摩戶

利語諸比丘衆富樓那是陀摩戶利比丘還令彌樓捷駛佛法續復熾盛使多衆生得住其中是其宿命大慈悲心願護法故於是陀摩戶利比丘從一聚落至一聚落從城至城從國至國遊行稱讚彌樓捷駛佛及弟子功德又以清淨應空應離諸深經法爲諸衆生廣演解說爾時陀摩戶利比丘多爲衆人供養恭敬尊重讚歎名聞流布富樓那陀摩戶利比丘如是廣益諸衆生已後則命終其子弟比丘比丘尼優婆塞優婆夷皆共和合

以一切香木爲積供養燒身共起塔廟縱廣十里以衆華香末香塗香瓔珞旛蓋供養恭敬尊重讚歎富樓那陀摩戶利比丘臨命終時願還生此閻浮提內即得隨願生在王家名爲得念於彌樓捷駛佛後第三百歲法中出家以其本願宿命智故諸門句陀羅尼句自然還得以得陀羅尼力故先未聞經能爲衆生敷演廣說不說前身曾所說者富樓那時諸陀摩戶利比丘衆中深智明利厚善根者聞得念所說諸經心皆隨喜信受恭敬供養守護得念比丘其中比丘無有威德鈍根者頑鈍闇塞薄善根者聞得念比丘所說新法不信不受違逆說過作是言如是等經我等不從和尚諸師所聞本亦不從陀摩戶利大師所聞富樓那其中深智依止義者不墮

語言以依義故心不違逆不違逆故則護彌  
樓捷駄佛法恭敬守護得念比丘富樓那爾  
時比丘比丘尼優婆塞優婆夷有八十那由  
他人隨順得念比丘所說經法富樓那時陀  
摩戶利諸弟子衆別爲二部皇八十三一名陀摩戶利  
諸比丘衆二名得念諸比丘衆得念比丘不  
說我是陀摩戶利所以者何陀摩戶利比丘  
人皆謂得阿羅漢道非是菩薩若自說者人  
則疑惑得念比丘人皆知是菩薩非阿羅漢  
富樓那得念比丘如是廣利諸衆生已後復  
命終諸弟子衆以一切香木爲積供養燒身  
四衆普集爲欲供養大師菩薩共起塔廟縱  
廣五里以衆香華末香塗香瓔珞旛蓋供養  
恭敬尊重讚歎富樓那得念比丘臨命終時  
還復願生此間浮提隨願得生大長者家名

爲耶舍以本願故得識宿命於彌樓捷駄佛  
第四百歲始年七歲出家爲道得諸陀羅尼  
陀羅尼力故能爲人說所未聞經於是得念  
諸比丘衆陀摩戶利諸比丘衆其中厚善根  
者得聞耶舍所說諸法心大歡喜皆得法樂  
富樓那是諸比丘依止於義不隨語言是故  
聞耶舍比丘聞所未聞應空深經合第一義  
信受不逆能受持誦如所說行富樓那中有  
比丘頑鈍闇塞薄善根者從耶舍比丘聞所  
未聞所未合第一義應空深經不信不受違  
逆毀壞而作是言如是法者我等不從和尚  
諸師所聞亦復不從得念菩薩大師所聞富  
樓那諸從耶舍比丘聞法歡喜心信受者皆  
爲陀摩戶利比丘得念比丘等憎嫉輕慢不  
聽住止不共讀誦講說經法反更謗言此非

佛法非大師教富樓那爾時耶舍比丘廣宣流布彌樓捷駄佛法從一聚落至一聚落爲衆生說多所饒益教化八十億那由他人發阿耨多羅三藐三菩提心耶舍比丘所饒益如是後復命終其諸隨逐耶舍比丘有七萬人爲耶舍比丘起七萬塔以衆香華塗香末香瓔珞旛蓋供養恭敬尊重讚歎富樓那耶舍比丘臨命終時還復願生此間浮提命終之後即得隨願復生王家生時諸天發大聲言今王所生多益衆生即隨此聲字爲導師至年十四於彌樓捷駄佛法第五百歲出家學道是導師比丘廣誦經書多聞深入文辭清辯善巧說法富樓那是導師比丘從一聚落至一聚落從城至城從國至國流布彌樓捷駄佛法多所饒益爾時陀摩戶利得念耶

舍諸比丘衆皆來合集造詣導師欲共毀破爾時導師比丘知諸比丘來作是言汝諸比丘問難何事以何事問云何而問諸比丘等聞是語已憂愁不樂默不能答不能障礙導師比丘富樓那隨此菩薩壽命在世佛法熾盛隨其終後佛法則滅是導師比丘末後惡世法欲滅時從一聚落至一聚落從城至城從國至國爲多衆生敷說清淨應空深經化八百萬人令發阿耨多羅三藐三菩提心是人命終皆生天上富樓那是導師比丘所益如是今夜命終明日夜法滅富樓那彌樓捷駄佛法滅故諸深清淨應空經法皆悉滅盡富樓那如是菩薩摩訶薩以是深經守護佛法能自具足善根福德富樓那是導師菩薩命終之後即生彼土上方第十世界時彼佛

號善眼多陀阿伽陀阿羅訶三藐三佛陀即復出家宿世善根福德因緣深慧明利辯才無盡捷利無礙是導師比丘於善眼佛法中八萬四千歲修諸善法命終更生值第二佛號日增肩於是佛所出家修集善根求阿耨多羅三藐三菩提命終之後還生此土復值後佛號不空行多陀阿伽陀阿羅訶三藐三佛陀於佛法中復行出家七萬歲中勤修善根求阿耨多羅三藐三菩提時名首羅不空行佛授其記言我滅之後是首羅比丘當得作佛號無礙眼多陀阿伽陀阿羅訶三藐三佛陀富樓那菩薩成就是第三法能得具足一切功德爾時世尊欲明了此義而說偈言菩薩聞甚深 清淨決定法 身自能安住亦復教餘人 世間不得底 呂薩而不沒

住於淨戒中 廣利諸衆生 本事及譬喻示衆以佛道 諸佛之所說 此是決定法菩薩能行利 亦能利衆生 守護諸佛法教衆以菩提 衆生如法事 菩薩皆爲作教衆以佛道 是則近菩提 護持諸佛道亦廣利衆生 諸天龍鬼神 天人所敬養是故聞清淨 諸空深妙法 一心應思求是則智增長

復次富樓那菩薩摩訶薩具足諸行諸行具故則能具足善根福德何等爲行富樓那菩薩親近善知識是六行布施持戒忍辱精進禪定智慧方便何等爲菩薩善知識菩薩所從聞如是經及教化方便諸佛阿羅漢及有深心求佛道菩薩皆名菩薩善知識菩薩成就此第四法則能具足一切功德爾時世尊以偈

頌曰

我說諸菩薩 所當應行法 施已心歡喜  
無有諸悔恨 云何爲歡喜 謂樂悉徧身  
常以此喜心 而行菩薩道 菩薩所布施  
迴向於菩提 饒益諸衆生 自利無有量  
若見有乞者 心生於佛想 念是人今來  
施遺我佛道 我因於是人 得淨佛國土  
是人示我佛教化我佛道 我今值此人  
快得大吉利 歡樂徧滿身 更不樂餘事  
若有人來詣 遙見而問訊 仁者須何物  
我當盡相與 若言無所須 菩薩亦歡喜  
爲欲教化我 故言無所須 此賢以所樂  
少欲知足法 今來開悟我 使得菩提緣  
我今因此人 復得教以法 汝言無所須  
是語爲善哉 若言須此物 以是可與我

菩薩若有者 歡喜言汝取 若行布施已  
於後無所悔 以念佛道故 心常得歡喜  
布施已迴向 衆生皆有分 普令無所乏  
盡使得知足 若行菩薩道 衆生聞我名  
自然知止足 不生慳貪心 今我國衆生  
順道皆知足 捨諸五欲著 皆樂行出家  
如是無量行 以施而迴向 願常行布施  
衆生亦效我 菩薩行布施 以慈覆衆生  
一切諸世間 無有如是樂 如大富長者  
多財饒珍寶 惟止有一子 積年久遠行  
長者聞子還 歡樂徧滿身 久別而今歸  
便若如更生 菩薩見乞人 其心大歡喜  
長者歡喜分 十六不及一 若得施行已  
心則大歡喜 慈心所生樂 此樂無有比  
如王治罪人 勅使支節解 殺者將殺處

舉刀垂當下 王恕賜榮位 是人大歡喜  
猶不及菩薩 施貧得歡喜 菩薩行道時  
不求於福田 有乞則便與 故得大歡樂  
菩薩若值佛 羅漢辟支佛 敬心知難遇  
故往供養施 菩薩有威德 明利心調順  
樂功德求道 供養佛及衆 不以深恭敬  
奉事諸天神 惟除於諸佛 及諸佛弟子  
若有辟支佛 自然得涅槃 亦行而供養  
有是諸功德 菩薩亦能知 福田善不善  
世間諸智者 不敬惡外道 安住持戒品  
慈心覆衆生 精進無有比 忍智多聞廣  
行是諸功德 於世爲高尊 能證佛菩提  
轉無上法輪 菩薩能修行 如是上四法  
一切諸善根 悉皆現在前 無量億數劫  
所修諸功德 悉皆攝入此 所行菩薩道

是故諸菩薩 應常修慈心 出家處山林  
樂在空閑處 常求諸清淨 甚深決定法  
具足菩薩行 以此自增長

### 神通力品第五

爾時世尊以神通力從身一一毛孔俱放百  
千萬億光明又從一一毛孔出如須彌山等  
大猛火焰又從一一毛孔出恒河沙等諸佛  
說法時會大衆普見如是大神通力爾時世  
尊現神力已還復如故語富樓那言汝見如  
來從諸毛孔出是神力不已見世尊富樓那  
如來常有如是神力無有休廢令諸弟子但  
知如來在此說法而我實於十方恒河沙等  
世界常作佛事無有休息亦於十方世界如  
是說法富樓那若人實語何者是無等等無  
比人兩足福田極深難測無邊行者舉足一

步一切衆生不能得知不能思量何心何行  
舉足下足當說我是富樓那一切衆生不能  
思量如來爲以何思何心何行舉足下足爾  
時世尊欲明了此義而說偈言

世尊以何思

何行舉下足

十九動不動衆生

常不知此事

神通力無量

十八行處亦無量

功德無量故

第一極高尊

大智慧無量

無能盡知者

假令一切人

智慧神通力

皆如舍利弗

及與目犍連

亦不能知我

舉足下足事

正使一切人

皆作辟支佛

不知我一步

況餘深佛法

假無量日月

合爲一日輪

不能及如來

一毛孔光明

假使七萬億

那由他世界

日輪縱廣等

徧照無量土

如是諸大日

如十方恒沙

合以爲一日

一光如須彌

如是諸大日

常照十方界 比於佛光明 不現如焦樹  
是諸大日光 不能徹樹葉 諸山河石壁  
皆悉能障礙 如來光所照 一切須彌山  
鐵圍金剛山 威德無有量 光明神通力  
威德無有量 誰見不發心 惟除於不信  
衆生見如是 光明大神力 多發無上心  
我等亦當得 時佛則微笑 阿難即問訊  
世尊何故笑 無疑智願答 時佛答阿難  
衆生今見我 所現大神力 發心願作佛  
衆中三萬人 願護持是法 我等於佛後  
讚誦如是經 是人我滅後 得聞是經法  
中時及後時 聞已如說行 發道心者難  
深樂佛法難 後世能持誦 是等經復難  
千萬億數劫 諸佛出甚難 於後末世中  
說是經復難

爾時佛告阿難我以如是等經倍囑累汝所以者何間浮提內隨有如是菩薩藏經則有佛法阿難如是等深經滅故如說行法亦滅如說行法滅故佛法則滅阿難汝今當以第一供養具供養於我云何爲弟子以第一供

皇八

二十一

養具供養於我汝心勿謂名華好香末香塗香幡蓋瓔珞衣服妓樂讚歎如來爲上供養阿難如是不名第一供養若人得聞如是等深經受持讀誦如所說行是名以第一供養具供養恭敬尊重讚歎於佛何以故諸佛皆共供養恭敬尊重於法不貴世間諸供養具是故阿難今以此經鄭重殷懃囑累於汝何以故阿難我學如是等經今得阿耨多羅三藐三菩提轉無上法輪過去諸佛本行菩薩道時亦學如是等經得阿耨多羅三藐三菩提

提轉無上法輪未來諸佛亦學如是等經當得阿耨多羅三藐三菩提轉無上法輪現在十方世界諸佛本行菩薩道時亦學如是等經得阿耨多羅三藐三菩提今轉法輪是故阿難是菩薩藏經名爲轉法輪經當奉持之我於波羅奈國梨師山鹿園中與聲聞弟子轉於法輪阿難我今於此竹園中轉此菩薩藏經不退轉輪斷一切衆生疑阿難過去諸佛亦皆於此虛空地分說是菩薩藏經未來諸佛亦皆於此虛空地分說此菩薩藏經我今得阿耨多羅三藐三菩提亦於此虛空地分說此菩薩藏經是故當知此地是佛大塔天人世間所供養處阿難此地獨有不共功德所謂過去諸佛於此說諸深經阿難所有貪欲嗔恚癡衆生入此竹園不發貪欲嗔

恚患癡阿難如來雖住諸餘精舍而皆無有  
如是功德何以故阿難今此迦蘭陀竹林畜  
生入者不發姪欲衆鳥入者非時不鳴摩竭  
洴沙澆頂大王昔初登位與諸採女入此園  
中共相娛樂入以自覺心無姪欲娛樂戲事  
諸採女衆亦皆自覺心無有欲不樂戲樂時

王歡喜每作是念願世有佛出於我國我當  
得見見已心信信已供養當以是園奉上於  
佛佛於中住我當聞法何以故可供養者應  
住此園非五欲人所應得住阿難洴沙王入  
此竹園生是善心皆以過去諸佛住此園中  
說此菩薩藏經是故此園所有功德不與餘  
共一切世間天人阿修羅皆應禮敬阿難是  
園無有蛇蟲蚊蚋若住其中無復  
毒心亦是竹園不共功德我若百歲稱說此

園所有功德猶不能盡何以故阿難今此竹  
園精舍成就無量功德餘處不爾阿難白佛  
言我本不知竹園乃有如是功德世尊我本  
不欲爲佛侍者我今懺謝如是過罪佛告阿  
難汝初於法得法眼淨爾時已爲除滅是罪  
也

## 大寶積經卷第七十八

### 音釋

屎餅

屎詩止切糞穢也  
餅薄經切瓦器也  
堆聚土也  
力

惱戾

董切戾郎計切懶

戾謂多惡不調也  
懶渠尙切

捷駄

捷渠尙切  
駄唐何切  
貪嗜者常

積

利切貪

利欲也  
切吏切

廁

溷廁也  
牀榻搘託合切

牀

牀榻而長者曰搘

穢

子智切

子智也  
切頑鈍杜困切愚鈍也

闇塞

闇鳥紺切

洴沙

梵語也亦名

此名

不明也

塞悉捷疾葉切  
則切空塞也  
塞疾也

洴浦

明五名施隻切

明

云影堅五行毒也

切蟻

行毒也

行